

绍修公传

资属二十里大河之西有先生，敦厚其性，端方其品，蔼蔼乎盛德若愚，恢恢乎大德不器。惜乎为不第之名士，仅为里党所宣扬，小子后生考德而问业者，其欧阳氏周颀公也。公讳子，号绍修，性嗜酒，最工文字，生平多著作，悉有法度可观，大略不戾于古、不诡于俗，第不肯使趋尚手段，彬彬然先正典型，以故终老士林。慨焉。

乾隆己未，先生父永奇公、兄蔚宾公以族星罗南国，绘谱以督修。

乾隆庚子，先生复继敦本之心，以展宗亲之志，同青荫、泉所、超凡诸先辈而续修之。

是先生之为人仁孝，根于天性，发于至情，固有如此。先生素寡色笑，重然诺，信义著于乡，乡人慕之。从先生游者，咸孝悌廉(隅)，非先生之感动深入人心，胡为古道克敦若此？

吁！朝廷虽未劳先生参协理之事，乡里安可无先生以振士风、以挽人心哉！夫士生熙盛怀异负奇，抱利济之才，终岩阿之穴，洵足悲也。

先生老矣，课间乃假业歧黄。有邀诊者，则曰：“人

病而求我，不济奈何？”而方多奇，中感再造者不下数万家，概不索谢。至今资江洧水间犹啧啧称颂不衰。知先生济世利人之志，悉泄之医，故龙宫诸方，晚年尤精。噫嘻！活人而寿世者，医也；言坊而行表者，士也；德盛而望尊者，先生也；如先生者可谓兼之矣。

赞曰：奇欤！先生有美含章，如宝器之埋藏于地下，是见精光遇，不遇时也。苟其人之足传，虽沉沦而何伤！深山大泽不乏琳琅，高风邈矣！犹令人景仰于湘江之畔、资水之阳。

乾隆四十六年岁次辛丑仲秋月吉旦

姻愚弟徐其烺 丹枫氏撰